

Xolil yet distritacion b'ey Mexico

Jeb' aakonob' b'ey tx'otx' mejiko yetoj svoto chi sik' syaawil yetoj srepresentantes. Xoxb'anil sjunehal kalon wal ket yin eykelok apnoj k'al spohanil yin poderes. Jun Poder Ejecutivo, jun Poder Legislativo yetoj jun Poder Judicial. Jun poder legislativo b'ey chi okwaaq'ane katu' chi ya'on aprobar wan wa'neb'al b'eyb'al yet ku konob'; ib'il aajyujeb' diputados yetoj jeb' senadores. Sat konob' konob' yejeb' diputados b'ey congreso yet unión katu' oxeb' aab'il chi mulnaheb'.

B'ey eywal kalon ket jaxka xolil yet tx'otx' mejiko, junun voto yet smaasanil jeb' aa konob' lahan yelok apnoj. Tx'otx' konob' poob'iltoj yin areas geográficas yet sik'wal lahan sb'isil skonob' yet watx' chi y'i sb'a. lahan sb'isil mejikanos yet junun diputados . x'e' sik'wal sb'i junun areas.tx'oj tx'oj yechel, lahan yaminahil.

An yuunal wa'neb'al b'ahil yet estados unidos mexicanos 300 distritos spohanil junun sdiputado federalil chi sik'lehi. Jaxka an yuunal wa'neb'al b'ahil yet junun entidad federativa chi yalpax sb'isil jeb' diputados locales lahan yetoj sb'isil wan distritos electorales.

¿Tzetaj jun distrito electoral?

Jun distrito yey sik'wal poob'il ek'xool konob' smaaanil ma yul junun entidad federativa, keytu' xolilal sik'le jeb' diputados katu' junun chi oksatoj sb'ikonob' isil skonob'.

¿Tzetaj jun distritacion electoral?

Ja' xolilal chi swa'ne jun instituto nacional electoral (INE), b'ey chi inahok skonob' wan distrito electoales yul miman konob' federal ma junun wan entidades federativas.

¿Tzet yopiso?

Yet watx' lahan spob'anil konob' junun distrito electoral, slaanil xolil naab'ale yul smaasanil miman konob', yetoj yilon junun voto tol lahan yip.


¿Tzet yu sowalil jun distrítacion electoral?

Kaw sowalil jun distrítacion tu' yu chi k'exmo sb'isil konob'. Ey anima chi kamii eypaxmaj chi alii, eypax maj chi sk'exb'a sresidencia, keytontu' chi yun yeytej sb'isil yanima junun distrito

Tuk'al chi ek'ab'i.sowalil kok'al chi seylehil wan distrito yet watx' lahan skonob'.

¿B'eytet wan skawxinajil jun distrítacion?

Sowalil lahan skonob' junun wan distritos, yul smajb'en junun tujan chi ilcha smaasanil wan municipios, jaxka xolilal miman konob', k'al yokyin xolil yin sjunehal wan municipios b'ey ey meb'a' anima yet watx' ey yalon yet yetoj xolilal naab'ale.



¿B'a'in chi okyin xolil katu' tzub'il?

Yet Wan aab'il 2016 y 2017 ja' INE joj swa'ne jun distri tacion a nivel federal yetoj jun distrítacion local b'ey wan estados Baja California Sur, Campeche, Colima, Chiapas, Ciudad de Mexico, Guanajuato, Guerrero, Jalisco, Mexico, Michoacan, Morelos, Nuevo León, Queretaro, San Luis Potosí, Sonora, Tabasco yetoj Yucatan.

Joj tx'oxle wan foros yul junun entidad federativa yu INE yalon yib'an jun proyecto yet distritacion electoral b'ey wan instituciones yet meb'a' anima, wan solom syaawil yet b'ok'ich q'ane, yaaw yet estatales k'al municipales, jeb' diputados yet estados k'al tet konob' smaasanil.

Ja' INE joj k'anlen b'ey jeb' comunidades indigenas tzet yopinion jeb' yib'an jun spob'anil wan ditritos electorales.

¿ Maj txekel joj ya' participar?

Ja' jeb' solom sat yet b'ok'ich q'ane, yaaw yet estatales k'al municipales, jeb' diputados locales, jeb' yaaw electorales k'al federales, konob' yet comunidades indígenas yetoj smaasanil konob'.

¿ B'a'in chi wa'xi katu' tzub'il jojyun jun q'anleb'al tu'?

Eywal waa q'ane yib'an yetoj jeb' swaante'al yet konob' meb'a' yet junun entidad. Joj alehi spob'anil konob' k'al jeb' comunidades indígenas yet wan ditritos electorales yet watx' chi ya' sq'ane jeb' yib'an.

Satajtoj smaasanil jeb' konob' indígenas jojyal jeb' observaciones b'ey INE yet ey syamb'ab'ahil jeb' yul junun entidad ultimo xa joj alekan yib'an jaxka xolilal.

Joj kolwa jun instituto nacional de lenguas indígenas (INALI) yetoj INE. K'al jun comisión nacional para el desarrollo de los pueblos indígenas (CDI).

¿ Maj txekel joj ya' participar yin jun consulta?

Jaton jeb' yaaw yet comunidades indígenas.

¡ Q'anle! Ta ku maasanil chi ka' participar tx'otx' mexico chi mimanb'i ¡Ehach ok sb'isiloj!